

Cydnabod Hyfforddwyr:

Hyfforddi ar gyfer Rhagoriaeth



GIG
CYMRU
NHS
WALES

Addysg a Gwellu Iechyd
Cymru (AaGIC)
Health Education and
Improvement Wales (HEIW)

Bwletin 6: 12 Ebrill 2021

Mae bwletin yr wythnos hon yn canolbwyntio ar bwysigrwydd cynnal data hyfforddwyr yn TAG ac mae'n egluro sut mae gwneud hyn. Mae hefyd yn cynnwys gwybodaeth ar beth ddylech ei wneud os ydych yn dymuno rhoi'r gorau i'ch rôl hyfforddi.

Cynnal Data Hyfforddwyr

Mae'n bwysig bod y data am hyfforddwyr sydd yn y Porth Cytundeb Hyfforddwyr (TAG) ar-lein yn cael eu cadw'n gyfredol ac yn gywir. Mae'r Trefnwyr Addysg (AaGIC ac Ysgolion Meddygol Prifysgolion Caerdydd ac Abertawe) yn defnyddio'r data yn TAG i wneud argymhellion i'r GMC ynghylch unigolion y dylid eu cydnabod yn ffurfiol fel hyfforddwyr. Dim ond hyfforddwyr sydd wedi cofrestru i gael cyfrif yn TAG ac sydd wedi llofnodi Cytundeb Hyfforddwr Meddygol Cymru Gyfan (Gofal Eilaidd ac Addysg Israddedig) yn y system hon fydd yn cael eu hargymhell ar gyfer cydnabyddiaeth.

Mae system TAG wedi cael ei sefydlu er mwyn i hyfforddwyr unigol reoli eu data eu hunain.

Dyma'r meysydd data yn TAG:

- | | | |
|--|--------------|---------------------|
| ♦ Teitl | ♦ Enw Cyntaf | ♦ Cyfenw |
| ♦ Cyfeiriad e-bost | ♦ Rhif GMC | ♦ Bwrdd Iechyd |
| ♦ Safle | ♦ Arbenigedd | ♦ Math o hyfforddwr |
| ♦ Ysgol Feddygol (dim ond yn berthnasol i rolau hyfforddi israddedigion) | | |

Anogir hyfforddwyr i fewngofnodi i'r system i ddiweddarau eu data fel bo angen, neu o leiaf unwaith y flwyddyn, i sicrhau bod eu data yn yr holl feysydd uchod yn parhau i fod yn gyfredol. Hefyd, anogir hyfforddwyr i fanteisio ar y cyfle hwn i ddarllen y Cytundeb eto, er mwyn sicrhau eu bod yn dal i ddeall eu cyfrifoldebau fel hyfforddwyr. Os na fydd hyfforddwyr yn cynnal eu cofnod yn TAG, mae'n bosibl na fydd y GMC yn argymhell eu bod yn cael eu cydnabod yn ffurfiol fel hyfforddwyr.



Bydd cynrychiolwyr sydd wedi'u hadnabod yn y Trefnwyr Addysg yn cael mynediad at y data yn TAG i'w galluogi i weinyddu'r broses o gydnabod hyfforddwyr a rhoi'r wybodaeth ddiweddaraf i'r GMC yn rheolaidd.

Bydd cynrychiolwyr sydd wedi'u hadnabod yn y Canolfannau Addysg ym mhob Bwrdd Iechyd / Ymddiriedolaeth a Chyfarwyddwyr Rhaglenni Hyfforddi / Penaethiaid Ysgolion hefyd yn gallu cael mynediad at y data ar gyfer eu hardal leol neu arbenigedd penodol. Mae hyn er mwyn eu galluogi i gefnogi'r broses o reoli rhaglenni hyfforddi a chynllunio eu gweithlu o hyfforddwyr i sicrhau bod trefniadau goruchwylio priodol ar waith.

Mae'n bosibl y bydd angen i'r cynrychiolwyr hyn newid cofnodion hyfforddwyr weithiau. Bydd hyfforddwyr yn cael gwybod pan fydd unrhyw newid yn cael ei wneud i'w data yn TAG.

Dros yr ychydig fisoedd nesaf, byddwn yn gwirio data i sicrhau bod y set ddata nesaf y byddwn yn ei chyflwyno i'r GMC mor gyfredol â phosibl. Felly, cyn i ni wneud hyn, byddai'n ddefnyddiol petaech yn gallu mewngofnodi i'ch cyfrif TAG a sicrhau bod eich manylion yn dal i fod yn gywir. Yna, byddwn yn gofyn i Gyfarwyddwyr Rhaglenni Hyfforddi a Chanolfannau Addysg lleol wirio data'r hyfforddwyr ar gyfer eu hardaloedd lleol a'u harbenigeddau, i sicrhau bod pob hyfforddwr yn un o'r pedwar rôl mewn gofal eilaidd a/neu addysg israddedigion, sydd angen cael eu cydnabod gan y GMC, wedi cael eu cynnwys.

Mynd i'ch Cyfrif yn TAG

Er mwyn mewngofnodi i'ch cyfrif hyfforddwr yn TAG, ewch i <https://tag.heiw.net/> a rhwch yr enw defnyddiwr a'r cyfrinair y gwnaethoch eu defnyddio i gofrestru. Er mwyn gwirio neu newid eich manylion, cliciwch y blwch porffor, 'Fy Manylion' neu dewiswch 'Fy Manylion' ar y ddewislen ar y chwith – cofiwch bwysu cadw ar waelod y dudalen os byddwch yn gwneud unrhyw newidiadau.

Er mwyn gwirio a ydych chi wedi llofnodi'r Cytundeb, cliciwch y blwch glas 'Cytundeb Hyfforddwr Meddygol' neu dewiswch 'Cytundeb Hyfforddwr Meddygol' ar y ddewislen ar y chwith. Sgroliwch i waelod y Cytundeb, a byddwch yn gweld blwch glas ar gyfer 'Llofnod yr Hyfforddwr' - gallwch naill ai llofnodi'r Cytundeb yn electronig gan ddefnyddio dyfais ddigidol neu lwytho eich llofnod i fyny yn electronig. Byddwch hefyd yn gweld botwm gwyrdd ar frig y Cytundeb. Bydd hwn yn caniatáu i chi lawrlwytho eich Cytundeb wedi'i llofnodi ar ffurf PDF, ar gyfer eich cofnodion eich hun, os ydych yn dymuno.

Os nad ydych chi'n siŵr a oes gennych chi gyfrif TAG neu beidio, neu os ydych chi wedi anghofio eich cyfrinair, anfonwch e-bost at HEIW.SRE@wales.nhs.uk.

Dyma'r sgrin y byddwch yn ei gweld pan fyddwch wedi mewngofnodi i'ch cyfrif TAG:

heiw.sre@wales.nhs.uk
Ty Dysgu, Cefn Coed
Nantgarw
Cardiff
CF15 7QQ

HOME

TAG - TAG: Trainer Agreement Gateway

Welcome to the Trainer Agreement Gateway (TAG) - the system for administering and managing the All Wales Medical Trainer Agreement (Secondary Care and Undergraduate Education). The system also holds a record of all recognised trainers and this will be used to inform the GMC which individuals should be given trainer status on the List of Registered Medical Practitioners. All trainers will therefore need to ensure their personal information is kept up to date.

For information on the Agreement please read the [Fact Sheet](#)

For guidance on how to use the system please read the [User Guide](#)

Once you have signed the Agreement it will be kept on the system and you can download it as a PDF for your records. The Agreement will provide a vehicle for effective recognition and consideration of trainer roles within NHS clinician whole-practice appraisal and job planning processes.

Upon signing the agreement you will receive a confirmation email, and a copy of the Guide to Trainer Recognition soon after which will provide essential information on Trainer Recognition and the sources of information and support available to you.

If you have any queries about the system or the Agreement please email HEIW.SRE@wales.nhs.uk

My details

Medical Trainer Agreement

Gwybodaeth am Gyfleoedd Datblygu i Hyfforddwr



Rydym yn darparu gwybodaeth reolaidd, drwy e-bost, ar ffynonellau posibl o gyfleoedd datblygu proffesiynol i hyfforddwr. Mae cylchlythyr Datblygiad Proffesiynol Parhaus i hyfforddwr yn cael ei gyhoeddi a'i ddosbarthu bob chwarter fel rhan o hyn.

Yn yr adran 'Fy Manylion' yn eich cyfrif TAG, byddwch yn gweld blwch ticio tuag at waelod yr adran, yn nodi 'Derbyn negeseuon e-bost ynghylch cyfleoedd datblygu'. Os hoffech dderbyn y cylchlythyrau Datblygiad Proffesiynol Parhaus a negeseuon e-bost eraill ynghylch cyfleoedd datblygu proffesiynol, bydd angen i chi sicrhau bod tic yn y blwch hwn. Os na fyddwch wedi ticio'r blwch hwn, ni fyddwn yn gallu anfon yr wybodaeth atoch chi, yn unol â'r ddeddfwriaeth GDPR.

Rhoi'r Gorau i fod yn Hyfforddwr

Fel yr amlinellwyd mewn bwletinau blaenorol, pan fydd unigolion yn ymrwmo i'r Cytundeb Hyfforddwr Cymru Gyfan (Gofal Eilaidd ac Addysg Israddedig), maent yn ymrwmo i fodloni'r gofynion a nodir yn y Cytundeb er mwyn darparu addysg a hyfforddiant o safon uchel.

Mae'r GMC yn datgan mai dim ond os yw'r Trefnwyr Addysg yn fodlon bod hyfforddwyr yn bodloni'r safonau gofynnol y dylent eu cydnabod. Felly, os yw'n dod i'r amlwg nad yw hyfforddwr yn bodloni'r safonau gofynnol, bydd y Trefnydd Addysg (a'r Bwrdd Iechyd / Ymddiriedolaeth os yw'n briodol) yn ymchwilio i ganfod y rhesymau pam nad yw'r gofynion yn cael eu bodloni. Pan fo hynny'n bosibl, rhoddir sylw i bryderon ac mae'n bosibl y bydd trefniadau adfer yn cael eu rhoi ar waith. Os nad yw'r gofynion yn cael eu bodloni ar ôl hyn, ni chaiff unigolyn barhau yn ei rôl fel hyfforddwr. Yn yr amgylchiadau hyn, bydd cofnod hyfforddwr yr unigolyn yn cael ei wneud yn segur yn TAG a bydd ei statws hyfforddwr ar restr y GMC o Ymarferwyr Meddygol Cofrestredig yn cael ei ddirymu.

Mae'n bosibl y bydd nifer o resymau eraill pam hoffai hyfforddwr, neu pam byddai angen i hyfforddwr, roi'r gorau i'w rôl hyfforddi yng Nghymru, gan gynnwys:

- ♦ Symud i rôl arall yn GIG Cymru, lle na fydd gofyn i unigolyn fod yn hyfforddwr
- ♦ Gadael GIG Cymru
- ♦ Ymddeol o swydd ymarfer
- ♦ Ddim yn dymuno parhau â'i rôl fel hyfforddwr (efallai er mwyn mynd ar drywydd diddordebau eraill, fel gwaith ymchwil neu swyddi rheoli)
- ♦ Ddim yn gorfod ymgymryd a rôl hyfforddwr mwyach (efallai oherwydd nifer cyfyngedig o hyfforddeion yn yr adran / gormod o hyfforddwyr yn yr arbenigedd)
- ♦ Cael ei atal neu ei gyfyngu rhag ymarfer wrth aros am ganlyniad ymchwiliad Cymhwyster i Ymarfer y GMC.

Er mwyn rhoi'r gorau i un neu ragor o'i rolau hyfforddi, dylai unigolyn siarad â Chyfarwyddwr ei Raglen Hyfforddi neu Arweinydd ei Arbenigedd i ddechrau, i sicrhau bod modd gwneud trefniadau i hyfforddeion gael eu goruchwylio'n briodol yn yr arbenigedd o hyd, a bod trefniadau eraill yn gallu cael eu rhoi ar waith.

Ar ôl cytuno, dylai hyfforddwr roi gwybod i AaGIC / Ysgol Feddygol Prifysgol Caerdydd neu Abertawe a'i Ganolfan Addysg leol, yn ysgrifenedig a chyn gynted â phosibl, ei fod yn bwriadu rhoi'r gorau i'w rôl hyfforddi a dylai ddweud pam. Bydd cofnod yr unigolyn yn cael ei wneud yn segur yn TAG a rhoddir gwybod i'r GMC er mwyn gallu dileu ei statws hyfforddi oddi ar ei gofnod ar y Rhestr o Ymarferwyr Meddygol Cofrestredig. Ni fydd y GMC yn cydnabod yr unigolyn fel hyfforddwr mwyach, ac ni fydd yn gallu gweithredu yn yr un o'r pedair rôl hyfforddi gydnabyddedig oni bai ei fod yn ymrwmo i'r Cytundeb eto yn y dyfodol.

Eich adborth

Dyma'r cyhoeddiad olaf yn y gyfres gychwynnol hon o fwletinau bob pythefnos i hyfforddwyr. Er mwyn ein helpu gyda'n cyhoeddiadau yn y dyfodol ac er mwyn sicrhau bod yr wybodaeth rydym yn ei darparu yn ddefnyddiol ac yn berthnasol i chi, hoffem gael eich adborth ynghylch y bwletin- au hyn – Ydych chi wedi eu mwynhau ac a ydynt wedi bod yn ddefnyddiol? Allwn ni wneud unrhyw beth i'w gwella neu oes yna bethau penodol yr hoffech eu gweld mewn bwletin- au yn y dyfodol?

A fydddech cystal â threulio ychydig o funudau yn ateb ein harolwg byr, ar-lein yn <https://heiw.onlinesurveys.ac.uk/trcommsfeedback> er mwyn i ni gael eich barn. Diolch o galon.

I gael rhagor o wybodaeth am y broses o gydnabod hyfforddwyr yng Nghymru, anfonwch e-bost i Uned Ansawdd AaGIC: HEIW.SRE@wales.nhs.uk

